

TARIKH : 21 JUN 2022
AKHBAR : KOSMO
MUKA SURAT : 4

Peluang B40 ikuti pengajian TVET: Kerajaan sedia dana galak pelajar sertai bidang vokasional

Kerajaan sedia dana galak pelajar sertai bidang vokasional

Peluang B40 ikuti pengajian TVET

Oleh MOHD. YUNUS YAKKUB

SHAH ALAM – Kerajaan mewujudkan Program Dermasiswa B40 Pendidikan Teknikal dan Latihan Vokasional (TVET) bagi membantu kumpulan B40 mendapat akses pendidikan di peringkat lebih tinggi.

Perdana Menteri, Datuk Seri Ismail Sabri Yaakob berkata, pelaksanaan itu khusus untuk pelajar B40 yang mengikuti pengajian dalam bidang TVET di Institut Pengajian Tinggi Awam (IPTA) bawah seliaan Kementerian Pengajian Tinggi tahun ini.

Katanya, pengambilan pertama akan melibatkan 1,000 pelajar.

"Kerajaan menjangkakan program ini melibatkan implikasi kewangan berjumlah RM36.41 juta bagi setiap pengambilan.

"Saya yakin, program ini menawarkan lebih banyak peluang kepada anak-anak Keluarga Malaysia terutamanya buat kumpulan B40 supaya mereka mendapat akses pendidikan di



ISMAIL SABRI (lima dari kanan) mendengar penerangan seorang peserta ketika hadir pada pameran minggu TVET Negara di Politeknik Shah Alam semalam. – ZULFADHLI ZAKI

peringkat lebih tinggi, seterusnya membina kerjaya dalam bidang TVET," katanya ketika berucap

dan merasmikan minggu TVET Negara 2022 di Politeknik Sultan Salahuddin Abdul Aziz Shah di

sini semalam.

Para majlis tersebut, beliau turut mengisytiharkan 2 Jun se-

bagai Hari TVET Negara selain menyampaikan pengiktirafan kepada 10 orang alumni sebagai Wira TVET Negara.

Ismail Sabri menegaskan aspek akreditasi, pengiktirafan dan pensijilan program TVET harus ditambah baik.

"Pendedahan adalah perlu supaya anak-anak kita lebih celik tentang potensi laluan kerjaya TVET," ujarnya.

Ismail Sabri berkata, bilangan pelajar aliran vokasional dan teknikal di negara maju adalah tinggi.

"Senario ini juga terdapat di negara-negara maju di Asia seperti Korea Selatan yang berjaya bangkit daripada kemusnahan perang untuk muncul sebagai kuasa besar ekonomi.

"Justeru, menjadikan kedua-dua negara ini sebagai contoh, amat signifikan untuk kerajaan menetapkan TVET sebagai antara perkara yang perlu diberikan bantuan bagi memacu pembangunan ekonomi negara," jelasnya.